

欽定平定教匪紀略

欽定平定教匪紀畧卷三十

十九年正月初四日

丙寅

那彥成奏言竊

臣

督率

官兵於十二月初十日攻克滑城賊匪逃匿民

房悉力抵拒時已日暮因將馬隊官兵撤回暫

息派步兵堵住各門其地雷轟破之西南角墻

缺處所並令鎮將嚴密圍堵以防竄逸是夜三

更城內突有賊匪多人逕撲墻缺處所齊聲吶

喊蜂擁突圍勢甚兇悍時正月黑官兵施放鎗
箭未能真切適城旁有一廟宇忽然自行起火
照見賊匪約有二三千人官兵如在白晝之中
直前衝殺城內官兵亦趕出夾擊斃賊約一千
餘人始將餘匪截回城內旋經臣等督兵焚剿
三晝夜間始悉數殲擒並無一名漏網事定後
訪之居民乃知城旁廟宇前殿供奉

關帝神像廟雖焚燬

神像歸然獨存毫無損動是皆仰仗

皇上福威神靈翊衛自應重行修建用答

神庥

臣

現飭藩司台斐音鳩工興造落成之日由

方受疇奏請

御書匾額敬謹懸掛以昭靈祐

那彥成又奏言查隨營文武員弁除

臣

前此開

單保奏外茲續行查明拏獲賊匪頭目並承辦
緊要差務各員據實開單恭呈

御覽伏祈

施恩鼓勵再軍功六品銜劉今常生員孟大圻團練
義勇屢隨官兵打仗殺賊奮勇可否將劉今常
以府經歷縣丞歸部選用孟大圻以從九品未
入流歸部選用之處出自

恩施

那彥成又奏言

臣

前據賊目余士林供出有西

明寺僧顯禮係賊首宋克俊族人曾學拳棒屢

次打仗甚爲兇悍當卽留心嚴緝茲經總兵徐

鋸於滑縣西明寺內拏獲解營據供俗家姓宋

名三妮自幼在西明寺出家素有膂力本年九

月初七日隨同宋克俊入城救出李文成隨後

佔據道口攻打濬縣殺過兵勇十三人經李文
成封爲開路先鋒曾身受鎗箭三傷等情臣審
明後當將該犯凌遲梟示又連日搜捕餘匪拏
獲董琉璃董輔來等二百十四名均係八卦教
內匪夥道口逃散之賊俱經打仗殺人並非著
名頭目亦卽一併正法再查馮克善續供之王
聚一犯業經殲斃又馮克善供出之李文成頭

目張德水張老端二犯按照年貌住址飭查到
營均係樸實農民並無習教情事訊由馮克善
訛索未遂曾與爭毆是以挾嫌扳累臣提訊鄰
佑相符又密加訪查無異取保釋回此外各犯
仍當照單嚴緝

那彥成又奏言蒙

發下獲犯劉宗林欽收錢文糧食號簿三本頭目名

單一件飭令詳查臣查單內賊名大半殲斃業
於單內開除現在趙幅翟清林張鳳祥劉趙林
張惲士張惲祥孫敬義等七名亦已殲斃謹另
開清單恭呈

御覽惟劉成章一犯在逃未獲現仍趕緊嚴緝至劉
宗林歛收各戶糧食錢文男女大小數至三千
八百餘名之多欽奉

諭旨婦女不論仰見我

皇上矜卹愚蒙網開一面惟是教匪蠱惑愚民由來
已久愚民之受騙者婦女居多大抵入教者男
女不分祇圖便其奸淫因之可以獲利本無叛
逆情事今將簿內人名細加查核內滑濬兩縣
之人居多查該兩縣地方臣先經派員赴各村
莊嚴密查訪將器械一律收繳察其奉令恐後

無一稍有違抗之人看來此時大局不但豫省
業已安靜卽直隸山東邊界可保無事至匪徒
傳教斂財直東豫三省幾於遍地皆然不止劉
宗林一人若辦理一處則處處疑懼人心轉致
不安關係非小現在簿內之人誠如

聖諭僅止受騙出財自應欽遵現奉

恩旨概免追究以期鎮定人心

同日章煦奏言查河間府屬景州故城地方前
令天津鎮總兵祥啟帶兵一千名前往防堵茲
賊匪剿盡地方寧謐除酌留一百名派委都司
一員管帶暫駐故城外餘俱撤回天津歸伍

是日長齡奏言竊臣於十二月十九日先帶靖
遠兵一百名自蘭州起程星夜行走茲於二十

七日馳抵蓋屋會晤朱勲適楊芳亦於是日趕

到查現在吳廷剛帶兵剿捕並朱勲籌辦情形
尙爲得手惟南山袤延千數百里林壑邃密在
在可以藏奸且徑路甚多易於奔竄揆之現在
情形必須先顧完善之區兼杜竄逸之路臣與
朱勲熟商已派令陝安鎮祝廷彪帶領本屬官
兵在石泉寧陝一帶專顧東面復派總兵游棟
雲帶領寧夏兵一千名並秦州本營兵八百餘

名卽在秦州兩當徽縣一帶防堵甘省交界專
顧西面均令遠探賊蹤相機迎剿現聞成都將
軍賽冲阿已帶兵由寧羌一帶前來卽可扼其
南面入川之路並可就近截剿臣卽將前派之
河州兵五百名寧夏兵五百名先令來營儘現
有之兵相機剿辦一面飛催特依順保馬元等
帶領凱撤綠營漢兵到營先行分撥入山趕緊

剿辦侯楊遇春所帶吉林索倫勁旅趕到卽分
起配撥各路此次木廂傭工因歲歉乏食糾衆
滋事固應剿撫兼施但其中不無曾充鄉勇及
當日革兵並無業游棍隨同滋事必須痛剿數
仗然後剿撫兼施庶辦理可期完善

長齡朱勲又奏言查三才峽首犯楊二等投出
之後經知縣呂朝選帶領前赴泥峪將餘衆二

百三十七人全數招出楊二胡二情願再赴允
九轅內持示曉諭允九業已允從詎有小王潤
一股賊首陳四前經叅將張起鰲剿散後與允
九合夥共八九百人不肯投出當將楊二胡二
殺害該匪等於二十二日竄出田峪口適護總
兵達凌阿協領成瑞在澇峪聞信卽帶兵趕到
緊跟追剿該匪竄入黑水峪口佔住山梁連壓

數次我兵奮勇仰攻鎗箭齊發殺斃賊匪一百餘人拏獲活賊十一名訊明後卽行正法陣亡滿漢官兵各一名時已昏暮達凌阿成瑞帶領步隊紮定卡隘該匪乘月黑由老林向南奔逃救出被裹難民二百二十一名均係附近山內民人卽行釋放其萬五夥匪經痛剿之後業已分股在華陽兩河等處竄匿吳廷剛現在分兵

剿捕又據寶雞鳳縣稟報李家河有楊貴糾衆
搶糧並未殺人放火沿途裹脅共有七八百人
竄至鳳縣之隘口一帶臣朱勲前因寶雞鳳縣
兵備空虚札飭鳳縣知縣劉國柱團練本地義
勇七百名趕往殺斃賊匪五十餘人生擒三十
餘人署提臣常祿亦帶兵馳往鳳縣督辦有兵
緊躡賊蹤該匪自不能裹脅掠食現在官兵四

面防堵隨地截剿不致奔軼散竄再鄂縣太平
峪內紫閣峪掠食匪徒吳彪等查因木廂停工
經陳宗武邀約吳彪並附近貧民先搶掠王潤
添木廂糧食竄至太平峪會晤康東榮陳義品
陳云等復商同掠食沿途裹脅三百餘人執持
棍棒者五六十人內有土棍趙得好李明符持
有鳥鎗矛子餘俱徒手由八里坪蒿溝一帶搶

糧趙得好用矛戳傷脾頭袁貴護總兵達浚阿
協領成瑞帶兵趕剿該匪翻山竄至傅家河經
江口都司宋連帶兵迎頭截拏兵丁吳默中鎗
陣亡宋連督兵剿殺擊斃一百餘人生擒五十
餘人匪夥高步青華老么徐明海張幘富等以
陳宗武爲首起事致被官兵剿殺多人心懷忿
恨遂將陳宗武殺斃各自逃散吳彪卽同康東

榮陳義品陳云傳貴等八十餘人投營自首其

餘夥衆及被裹貧民四散奔逃復經達凌阿成

瑞等派兵搜拏八十八人趙得好李明符二犯

亦經拏獲解交鄆縣

臣

朱勲札調署臬司敦良

赴鄆審訊分別辦理現在太平峪內紫閣峪一

帶業已肅清地方寧謐至古子溝小股賊匪經

千總海蒲帶兵擒獲首夥江洪等犯解送吳廷

剛軍營正法梟示餘係被脅難民發給路票口糧各令回籍此兩股匪徒業經辦理完結均奏入

上諭內閣曰上年逆匪突入禁門時恍惚之中望見關帝神像畏懼奔竄立就殲擒本日又據那彥成奏當滑城克復之時賊匪於黑夜拚命突圍官兵施放鎗箭未能真切忽城旁廟宇自行起火照同

白晝官兵兩路夾擊始將賊匪截回悉數殄除事
定後乃知城旁廟宇供有

開帝神像廟雖焚燬神像巋然獨存毫無損動等
語此次逆匪滋事屢荷

開帝靈爽翊衛實深寅威著該衙門於原定封號
敬擬加封二字進呈候朕酌定通頒直省用答

神庥其滑縣廟宇俟重修落成之日該撫再行奏

請御書匾額敬謹懸掛

上又諭內閣曰那彥成奏查明滿漢官兵拏獲賊首
賊目並隨營文職承辦軍營差務超衆出力各員
據實保舉一摺加恩著照所請吉林委叅領舒精
阿索倫藍翎委叅領達喜委叅領扎坦保領催委
驍騎校和成額俱賞戴花翎吉林甲兵布占太清
明富金太貴林索倫領催扎立善富爾清阿托爾

岱諾木桑山巴什坦保鄂班多依色音保甲兵勒
爾吉善雅爾西納前鋒萬盛保福保布特海哈哈
穆克登保俱賞戴藍翎西安佐領達靈阿著賞換
花翎吉林領催委防禦伍隆阿委驍騎校七克坦
惠金保前鋒察西保豐盛阿甲兵德勝額德冲阿
索倫前鋒德陞阿西安領催格成俱以驍騎校陞
用火器營藍翎長扎拉芬著以護軍校陞用固原

中營把總李廷棟西安鎮左營把總張福榮固原
右營額外外委薛居福左營馬兵苟成金何永清
前營馬兵馬雙西安鎮中營馬兵李朝貴寧陝營
馬兵劉延清西安鎮標兵丁陳斌王彥龍黃金模
俱賞戴藍翎河南光州直隸州知州何光熊著以
知府陞用同知直隸州陞用之甘肅武威縣知縣
朱炳著賞戴花翎同知直隸州陞用之陝西候補

知縣徐潤河南候補知縣李燿俱賞戴藍翎河南
候補知縣白士棟候補吏目王家勲俱儘先補用
揀選知縣金世福著留於直隸補用投効山東試
用府經歷梁衍緒從九品張璧候選從九品沈光
坡俱留於河南補用河南淮寧縣縣丞溫維祺著
以知縣陞用工部書吏蘇俱成著免其扣滿五年
歸部選用投効革職知縣葛拱宸著准其捐復其

另片所奏團勇殺賊之軍功六品銜劉今常准其
以府經歷縣丞歸部選用生員孟大炘准其以從
九品未入流歸部選用

上命軍機大臣傳諭那彥成曰那彥成覆奏查辦賊
匪劉宗林歛收錢文糧食號簿一摺據稱教匪蠱
惑愚民由來已久傳教歛財之事直豫東三省遍
地皆然實不止劉宗林一人現在豫省業已安靜

卽直隸山東邊界亦可保無事若查辦一處則處
處疑懼人心轉致不安關係非小應遵奉恩旨概
免追究等語所見甚是教匪蠱惑良民已非一日
燒香歛錢之事何處蔑有愚民無知被其煽惑雖
有從教之實並無謀叛之心此次林清等造謀悖
逆係借傳教爲名勾結同類其平素入教者並非
盡知逆謀此時但誅叛匪不誅邪教卽平日素非

邪教而此次知情謀逆亦在所必誅其平日雖係
習教而此次並不謀逆亦不復深究但愚民習于
邪僻罔識利害不可不剴切化導那彥成當刊刻
簡明告示廣爲曉諭俾知一經入教之後爲禍百
端其初不過財物家貲被人誑騙而其後至於身
家不保令其各知猛省痛加改悔如家有經卷邪
像卽行呈繳銷燬庶使習俗漸移人皆勉爲良善

至滑縣一帶附近地方本係賊藪那彥成在彼駐
窩仍當督率認真搜捕所有單內未獲各賊斷不
可任其一名漏網卽如祝現劉呈祥劉第五董伯
旺支進財五犯日久未獲昨訊據牛亮臣等犯供
詞當大兵圍攻滑城之時該逆等原未敢逃往今
大兵已撤該一帶本係伊等往來勾結之所安知
此時不又潛迹伏匿務須嚴飭地方文武各官加

意驪緝勿稍疎懈

上又命軍機大臣傳諭長齡楊遇春朱勳曰長齡等奏會籌剿捕事宜並日內剿賊情形二摺南山地勢袤延賊蹤奔竄無定若不分投截剿則所至輒遭蹂躪長齡等所奏現在情形必須先顧完善之區杜其竄逸之路所見甚是此時石泉寧陝及秦州徽縣一帶均有陝甘官兵堵截賽沖阿又帶川

省官兵由寧羌一帶而來扼其南面賊匪已無虞
四竄計日內各路凱撤勝兵次第到陝楊遇春所
帶吉林黑龍江勁旅亦可趕到大兵雲集無難一
鼓殲除目前緊要機宜惟當以剿爲正辦賊匪糾
衆焚掠拒傷官兵目無法紀即使本係饑民而此
時抗拒王師亦已罪在不赦豈能復存姑息之見
况賊匪心性不齊狡詐可惡卽如摺內所稱尤九

一股先有投出之意經前此投誠之楊二胡二兩人前赴賊營持示曉諭另有賊首陳四不肯投出反將楊二胡二殺害可見其詭語投誠殊難憑信現在陝省尙多傳教匪徒伏而未動其不敢竊發之故未始不畏懼官兵剿殺若官兵到後並不痛剿仍以招撫了事伊等又何所忌憚寧不慮其相率效尤乎以後招撫二字該督撫不得存之於心

亦不准形之奏牘若不遵旨暗行招撫非我國之
臣子必行正法治罪凜之惟當督飭各路官兵認
真剿殺如實在被剿窮蹙有自行投出者除查明
確係裹脅難民隨時釋放外凡曾經持械抗拒者
當明諭以爾等罪犯應死今因投出之故寬爾一
線生路仍當發遣新疆俾爾種地營生已屬格外
天恩不能再邀未減一面押解起程諭令地方文

武委員留心防範一面知會松筠於到配後嚴加
管束如該犯等在途滋事脫逃卽在途次查拏正
法若到配後不肯安靜卽在配所正法從前蒲大
芳等遣戍新疆成案具在所有現在投出之吳彪
康東榮陳義品陳云傳貴等一千人犯卽著於審
明後照此核辦再陝省距京較遠嗣後奏報軍務
俱著由六百里馳遞如辦理完竣著由六百里加

緊馳遞以慰厯注

臣等謹按王者師行絕域伐叛受降招撫時
亦並用顧以言乎內則不同蓋要荒之區不
隸疆索歲時賓貢來享來王叛則伐之服則
舍之其道在於羈縻勿絕而已至若直省人
民荷食毛踐土之

恩沐

浙仁摩義之澤而乃犯上作亂肆行狂悖誅之無赦
又何疑焉在事者往往存將就了事之心墮
姑息養奸之習壞法啟玩流弊何窮我

皇上整飭戎行申明法紀前次川楚陝邪匪滋事之
日以及閩粵浙洋面未靖之時切

頒詔言用貞師律振軍威而伸

國憲定民志而銷隱憂茲因陝省南山之案恐諸

臣鄙見未除胸無把握

特諭長齡楊遇春朱勲以目前緊要機宜惟當以剿
爲正辦若暗行招撫必正法治罪

天威

睿斷義正辭嚴由是長齡等立志堅定專主於剿將
土等悉力殲賊不爲詭計所撓巨憝迅除匪
黨淨盡振旅凱旋之後所以長享太平也

上又命軍機大臣傳諭長齡曰此次陝省三才峽等處匪徒滋事據節次奏到情形大率因該處年荒穀貴饑民掠食糾集既多遂敢焚劫村聚抗拒官兵現當邊絕亂萌自不能不懾以兵威而原其起衅之由總因地方官不恤民艱遇此年歲災荒並不體察情形據實入告以至小民迫於饑寒不能稍沾賑恤及至釀成事端興師動衆國帑所費轉

致不貲此等貽誤地方之員實堪痛恨長齡甫任
陝甘總督無所用其廻護著查明陝省鳳翔一帶
上年災歉實在情形是否州縣匿不稟報抑該撫
藩等接據稟報並不查勘奏聞此時長齡在彼督
辦軍務卽一面就近確查俟軍務完竣之日秉公
據實叅奏候旨

正月初五日

丁卯董誥等奏言前因山海關獲犯

王立安供有崔保子一犯爲新民屯張姓送信
糾人約期滋事之語奉

旨飭令奉天查拏嗣據該將軍等奏拏獲新民屯住
居之張姓五人內張觀瀾供認伊代河西務住
居之宗室趙六卽趙玉送信糾人屬實茲據該
處委員佐領佛德將張觀瀾等解到詎張觀瀾
刑傷過重到京卽經身斃臣等嚴訊同案之張

建模張學盛等堅供實無謀逆情事前在奉天
時係由問官酷刑逼認隨訊之委員佛德據佛
德自稱該員前於會審時委因張觀瀾不肯承
認節經擰耳掌責加以跪鍊壓損三次並用水
噴醒四次等語案多疑竇難保無冤濫別情謹
將佛德原供奏呈

聖鑒奏入

上命吉林副都統松寧前赴奉天會同

盛京戶部侍郎潤祥查辦

正月初六日咸章煦奏言現在軍務全竣所有
各處被賊裹脅良民俱已查明釋放其避難外
出者亦皆陸續歸來各就安撫伊等向日所居
房舍悉被焚燬無力修復合無仰懇

聖恩查照被水衝塌成案每瓦房一間給修費銀一

兩草土房一間給修費銀五錢俾資棲止事竣
造冊報銷奏入得

旨戶部查核具奏旋經戶部議奏請照湖北四川陝
西等省成案將該三縣被賊焚燒房屋每瓦房
一間給修費銀五錢每草房一間給銀三錢以
歸畫一奏入

上從之

正月初八日

庚午

上諭內閣曰上年直隸開州等處被賊滋擾村莊節
經降旨分別蠲緩賑卹並賞給口糧小民粒食有
資自可無虞失所惟念東作屆期青黃不接夙鮮
蓋藏之戶未免尙形拮据著加恩將開州東明長
垣三州縣被賊村莊再撫卹三月口糧不必限以
每戶三大口之數所有展賑及散放口糧州縣俱

著本折兼放

上又諭內閣曰上年山東荷澤等州縣衛被旱歉收
及間有被賊處所節經降旨分別撫賑蠲緩小民
餬口有資自己無虞失所惟念現屆東作之期距
麥收尙遠又賊氛甫靖間閭元氣未復民力不免
拮据著加恩將荷澤濮州定陶曹縣及城武鉅野
金鄉等縣境內曾經被賊各村莊於二月撫卹完

竣之後加賞兩個月口糧其濮州金鄉城武鉅野
等州縣勘不成災各村莊著賞給一月口糧均照
例折色散放再滕縣及東平州西北二鄉該處民
人因聞賊營逃亡現在甫經復業並著將十八年
應徵新舊錢糧緩至秋後徵收十九年新賦緩至
麥後啟徵以紓民力

是日同興奏言竊查東省軍需現在已支用銀

七十餘萬兩尚有各州縣應行裁領之項統計

約須百萬臣謹率同藩司朱錫爵臬司劉大懿

奏懇

聖恩准將東省用過軍需經費在於臣等暨道府州

縣各官養廉項下攤捐分十年扣完歸欵一概

毋庸報銷奏入

上命軍機大臣傳諭同興日同興等奏山東軍需已

支用者七十餘萬尙有各州縣應行找領之項統
計約須百萬懇請一概毋庸報銷在通省地方官
養廉內攤捐分十年歸款等語所辦非是此次賊
匪滋事山東省曹定一帶雖有剿捕事宜但官兵
在本境剿賊供支有限如京營吉林黑龍江勁旅
以及陝甘他處客兵皆未到境何至軍需用項計
有百萬之多此必局員等濫支濫應漫無撙節因

恐報銷致干駁飭遂倡爲通省捐廉之說無所稽
察以便浮開冒混不思國家辦理軍需例應作正
開銷部臣勾稽考核應准應駁皆有一定準則豈
容臣下傳捐輸之名而轉遂其冒濫之實同興等
著傳旨申飭所請不准行該撫卽督率局員速將
軍需支款按照定例核實報部毋任絲毫浮冒合
例者准其開銷其例外浮支之款應行著賠者該

省自行籌辦可也

正月初九日

辛

那彥成奏言查隨營豫省官兵

其在河以南者共計三千八百名

臣

於年前先

已陸續撤回其河北鎮及彰德衛輝各營兵一

千六百餘名內彰德衛輝兵五百名擬令初六

日起程歸伍其餘一千一百名仍留總兵閻俊

烈帶領駐劄滑縣俟三月初間再撤令歸伍又

直隸提標兵一千名提督馬瑜管帶駐劄開州
正定鎮兵一千名總兵徐錕管帶在於東明長
垣一帶巡哨宣化鎮兵一千名仍令富蘭管帶
在彰德順德一帶彈壓俟臣

陛見後再行酌量情形飭令歸伍其原駐東明長垣
之正定兵一千名原駐順德廣平之提屬兵六
百名原駐大名之宣化兵五百名俱令分起撤

回又甘肅提標及靜寧靖遠兵二千名亦令於
初四日起至初十日分作四隊凱撤由衛輝間
一日行走吉林黑龍江官兵除調往陝西六百
名外尙存營一千四百名臣於初四日起先撤
八百名分起行走初四日第一起黑龍江兵二
百名交副都統蘇青阿頭等侍衛哈朗阿額勒
精額等管帶初六日第二起黑龍江兵二百名

交頭等侍衛阿勒罕保護軍叅領富英阿委營
總達什等管帶初八日第三起吉林兵二百名
交頭等侍衛伊勒通阿扎蘭保營總和福等管
帶初十日第四起吉林兵二百名交

御前侍衛副都統銜蘇爾慎侍衛吉勒章阿委營總
巴揚阿等管帶由保定西路行走臣俟初十後
帶領直隸督標兵一千名宣化兵一千名吉林

黑龍江兵六百名自滑縣起程赴開州一帶查
辦善後事宜事竣後再由山東曹州府德州景
州保定之東路一帶行走再此次出征官兵查
有健銳營帶傷官二員帶傷兵十名事故兵一
名火器營出缺兵四名帶傷兵十二名事故兵
一名護軍營出缺官一員吉林出缺官一員出
缺兵二名帶傷官一員帶傷兵七十五名黑龍

江出缺兵六名帶傷兵四十三名西安滿營出
缺兵二名帶傷官三員帶傷兵八十八名事故
兵一名各綠營出缺官十六員出缺兵一百四
十四名帶傷官兵一千五百餘員名事故兵二
十五名已彙冊咨部辦理再查滑縣隨營義勇
數千名先已飭令遣散歸農並派委員查繳器
械二萬餘件濬縣亦收繳九千餘件臣量加賞

賜各義勇俱各歡忻鼓舞回莊度歲濬縣道口
地方居民俱已復業修理牆屋百堵皆興雞犬
桑麻依然太平景象卽滑縣城中歸來者已有
二百數十家臣親往撫視賞給銀米現在歸業
者後先接踵臣又派委員弁分赴直隸山東各
屬查探情形俱皆一律寧帖堪以仰慰

聖懷

金史卷一百一十五 列傳第二十五 三十一
那彥成又奏言查軍營出力義勇前蒙

頒給碑礪頂三十個金頂三十個隨時賞給查義勇
等隨營剿賊除有事故及帶傷多名稟案咨部
議卹外所有前項頂戴因出力人多實在不敷
分賞且此外尚有各州縣義勇亦均打仗殺賊
奮勇出力節據各路文武稟報自應一體賞給
俾免向隅又臣不日巡查直隸山東邊境一帶

亦當擇各該處義勇中之尤爲出力者量加獎賞合無仰懇

聖恩准再加賞碑礮頂五十個金頂一百個俾得分別賞給如蒙

恩允所給頂戴統容彙冊咨部再滑縣義勇內查有生員郭青山李榮春崔清魁韓宗元等四名皆係首先團練殺賊立功必應加之鼓勵惟其人

武健性成若留於原籍將來恐致桀驁難馴轉

非保全之道

臣前與楊遇春商酌請將生員郭

青山李榮春二名發往甘肅崔清魁韓宗元二

名發往陝西均以從九品未入流試用又民人

焦興邦王成棟韓國彥郭有成等四名請各

賞給藍翎仍令前往楊遇春營中補給千把外委隨

營當差藉資約束

那彥成又奏言臣遵查馮克善家口提訊馮克功等據供該犯前妻焦氏後妻劉氏並未有子名坤牛又查馮克功訊無從賊情事至其赴縣首告馮克善係在上年九月初三日李文成被拏以後應請無庸獎勵再奉

旨飭查牛亮臣徐安輻供出各犯查軍營節次獲犯並未供有劉道濫及劉玉濫之名該犯或潛匿

饒陽原籍或已遠竄現在分飭查拏至徐安幘
家屬內伊胞叔徐亭棟業已焚斃又伊胞兄徐
占幘卽徐安邦胞弟徐定幘卽徐安民亦均殲
斃至徐安幅名字及徐安幘之九歲子小五訊
問獲犯均供不知又唐鬍子卽唐恒樂詢之知
縣孟岷瞻據稱曾派充鄉勇隨同打仗殺賊屬

實查驗

發對腰牌實由官給並非捏造理合據實覆

奏

是日賽沖阿常明奏言臣等於本月十九日欽
奉

諭旨察探陝省如有月三之事令臣賽沖阿卽酌帶
勁兵數百名馳往會同長齡剿辦等因臣常明
先接朱勲來信知岐山縣有匪徒一股由寶雞

折竄盤屋縣地方又小王澗亦有一股賊匪滋
擾等語當經分飭鎮協將川北毘連陝界處所
嚴密周防惟匪蹤無定若折向西南奔竄則由
鳳縣留壩褒沔而至寧羌卽與川省之廣元縣
連界並與太平通江南江巴州等處路路可通
尤須先事嚴防以免竄越當卽飛飭總兵桂涵
在廣元一帶副將羅思舉在太平通南一帶各

以巡哨爲名往來防守惟川北地方遼濶如廣
元之七盤關朝天關百丈關南江之羊捲關通
江之簡池壩竹峪關太平之滾灘坡城口等處
皆關緊要而相距均百餘里此外界通南山隘
口尙多存在需兵防守川北鎮標額兵僅數分
派倘須川兵赴陝協剿則兵力尙屬不敷因思
松潘距川北邊界甚近是以飭令該鎮挑備官

兵一千名聽候調用查陝省各路官兵北面則有朱勲吳廷剛分投剿捕西南則有長齡由徽縣兩當進兵東面則有祝廷彪帶兵防堵惟南面尙無官兵稍覺空虛頃據探報陝省洋縣城東之蒲河龍潭子等處有賊匪數股竄擾查洋縣地方距川省通江縣界不遠臣賽冲阿自應取道保寧速赴巴州太平一帶探明賊蹤迎頭

剿截惟

臣

賽冲阿若祇帶兵數百名前往恐兵

力尙單擬先調省標滿漢兵一千名帶往該處

路徑川北兵丁較爲熟習

臣

俟行抵川北再行

酌量更調并擬帶松潘兵五百名前往其餘五

百名交桂涵等分布要隘如陝匪有竄川之信

臣常明亦卽帶領前往剿辦均奏入

上命軍機大臣傳諭那彥成曰那彥成奏各路出力

義勇懇請賞給頂戴以示鼓勵等語此次豫省及直隸山東邊境一帶賊匪滋擾各路義勇隨同官兵打仗殺賊奮勇出力者人數衆多著加恩再賞碑礫頂五十個金頂一百個那彥成擇其尤爲出力者分別賞給毋稍冒濫其另片奏生員郭青山民人焦興邦等首先團練殺賊立功請分發試用隨營當差等語著照所請生員郭青山李榮春以

從九品未入流發往甘肅試用崔清魁韓宗元以
從九品未入流發往陝西試用其民人焦興邦王
成棟韓國彥郭有成俱賞戴藍翎令其前往楊遇
春營中効力以千把外委酌量補用

上命軍機大臣傳諭賽沖阿曰賽沖阿奏帶兵起程
赴陝協剿一摺陝省三才峽等處賊匪節據長齡
朱勲等奏報萬五一股經官兵痛剿之後在華陽

兩河等處奔竄現在吳延剛分兵剿捕其尤九一
股由黑水峪向南奔竄又楊貴一股竄至鳳縣亦
均有官兵躡剿此時長齡已帶甘省官兵馳抵盩
厔楊芳亦已到彼朕又節次降旨將西安滿營並
河州固原各處得勝勁兵凱撤赴陝並派楊遇春
帶同吉林黑龍江馬隊六百名星馳前往與長齡
會合進剿其石泉寧陝及秦州徽縣兩當東西兩

面均派有堵截之兵惟向南一帶與州省毗連前
因多隆武奏回成都曾降旨令其在川北一帶駐
劄督同桂涵羅思舉相機防堵今賽冲阿因探聞
洋縣地方有賊匪竄擾與川省通江接界該將軍
已帶兵取道保寧探明賊蹤迎頭截擊川省邊防
緊要賽冲阿當分飭桂涵等將沿邊要隘布置周
密無庸深入陝境一面多派弁兵分投偵探倘有

賊匪竄近相距在三四百里之內卽帶兵奮力截殺以剿爲堵與陝省官兵共收夾擊之效總勿使賊蹤闖入川境川省官兵剿賊得有勝仗該將軍卽自行由六百里奏報毋庸再與陝省會銜致稽時日

同日長齡楊遇春朱勲奏言竊臣楊遇春於正月初二日馳抵軍營總兵特依順保亦於是日

趕到適據總兵吳廷剛祝廷彪稟報該鎮等已
在留壩廳屬西江口會合於十二月二十七日
至平木追及萬五股匪該逆先據左右山梁我
兵分路仰攻奮勇直上該匪擁衆下壓勢甚兇
猛各兵併力搶撲相持兩時之久我兵鼓勇力
登刀矛攬殺斃賊甚多戳倒執旗賊首十數人
一齊搶上山梁賊始慌亂該鎮等乘勢督兵下

歷立斃賊匪無數直追過三重山梁擒獲活賊
九十八名搶獲過山鳥礮五尊鳥鎗十四桿旗
幟矛桿一百四十餘件驢馬四頭匹時已戌刻
收兵暫息訊問活賊王獻廷等據供今日打仗
時眼見江元帥何元帥大旗手十數人均被官
兵殺死至萬五龍元帥向小一等均不知逃往
何處所有鳥鎗礮位均係攻破民寨所得等語

當將該犯等正法被脅難民十九名釋放差探
匪衆經打散之後尙未合夥於二十八日五鼓
復派令遊擊朱福壽都司柯春鰲黨聯陞等帶
領奮勇兵六百餘名又派叅將張起鰲守備劉
藻詹玉彬帶領奮勇兵八百名分路進剿朱福
壽一路於二十九日亥刻趕至觀音洞地方賊
匪數百人正在造飯猝不及防我兵兩路抄進

立斃賊匪數十名餘匪逃竄朱福壽緊蹙追剿
沿山殺斃甚多拋棄矛桿二百餘件擒獲活賊
四十五名奪獲刀矛七十餘件訊係打散萬五
股匪內徐宗文夏成德等十八名均係正賊當
卽正法其被脅難民沈文壽等二十七名訊明
釋放張起鰲一路於二十九日戌刻帶兵趕至
馬里地方賊匪約數百人一見官兵紛紛奔竄

各兵沿山追殺賊黨賊匪十餘名擒獲活賊五十二名搶獲矛桿二十餘件內王大中等十九名訊係萬五股內真賊當卽正法其被脅難民余官進等三十三名訊明釋放計三次剿賊陣亡兵二十二名現在萬五股匪約剩不過千餘名等語臣等已札令該鎮等窮其所向上緊跟追務期剿除淨盡現在據報總兵馬元所帶頭

起固原兵五百名一二日內卽可到營其後起官兵並吉林索倫馬隊亦接續可到臣等俟頭二起官兵趕到卽親自帶領先行入山遇賊卽剿斷不敢稍有遲延致負

委任

上批示

硃諭曰此事以迅速痛剿爲主我兵不宜多分隊伍

先儘大股賊匪盡行辦淨則小股賊匪震懾聲威
散者必衆總以殲戮逆首萬五爲要頃接那彥成
奏報甘肅兵已凱撤過西安時若尙需兵力酌留
五百名亦可如辦完萬五卽不必留矣用兵之道
合則氣壯分則見單不可墮賊詭計將軍賽沖阿
帶兵千名由洋縣而來汝等同心協力殺賊安良
佇膺懋賞勉之得大勝仗由六百里具奏全行辦

淨由六百里加緊具奏

同日同興奏言查曹州濟寧一帶前經留兵三千名分駐彈壓茲查兩旬以來地方頗爲寧帖現又撤兵一千四百名祇留兵一千六百名足資巡防惟曹州營向設叅將一員兵五百名除分防各汛外存城兵祇三百四十餘名不敷彈壓請將事務較簡之文登營副將改爲曹州營

副將其中營都司卽隨駐曹州又東昌營向設
都司一員職分亦小應請以曹州營叅將改設
東昌其文登營卽以東昌營都司移設奏入得
旨兵部議奏旋經兵部議以登州副將係海疆要缺
未便移駐曹州其曹州旣存城兵單應令於就
近營分酌量抽撥其東昌營應設叅將准令於
本省酌量改調以資防範奏入

上從之

正月初十日軫董誥等奏言

臣等遵

旨覆訊馮克善詰以伊子坤牛所在據供坤牛實係

伊前妻焦氏所生養至三四歲時夭亡緣堂兄

馮克功係屬分居未能知悉又覆訊徐安輞之

弟徐安幅並伊子小五據稱與其後母趙氏胞

叔徐秉成姪徐賢俱住滑城大街路北雜貨鋪

內後院樓上因家眷搬進滑城未久是以人未知悉等語謹錄供進

呈奏入

上命軍機大臣傳諭那彥成曰昨據那彥成奏查覆徐安輜親屬內除伊胞叔徐亭棟伊兄徐安邦伊弟徐安民均已殲斃外其餘均無下落等語當經降旨交刑部提訊徐安輜據供伊由長垣搬至滑

縣時共有家屬七口除伊兄弟徐安邦徐安民外
尙有後母趙氏胞叔徐秉成弟徐安幅並九歲之
子小五及姪徐賢俱住滑城大街路北雜貨鋪內
後院樓上因家眷到滑未久所以人都不知等語
著那彥成再行確查趙氏等五名口是否業經焚
斃殲斃如查無確據再嚴切根究勿留遺孽